

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.

مجله فوادی

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.

استانبول ایچون سنه لکی مطبعه دن
آلنق شرطیله ۴۰، طشره لره پوسته
اجرتیله برابر ۶۰ غروشدر.

مسکمزه موافق آثار قبول اولنور.
درج ایدلین اوراق اعاده اولماز.

نسخه سی ۱ غروش

پنجشنبه کونلری نشر اولنور ادبی، فنی و صناعی غزله در

نسخه سی ۱ غروش

یاخود خفیف کچمکه برابر تکرر ایلرایسه؛

۱۴ — سیکیر اوینامه سنده؛

۱۵ — حواله، اسپازموزکی احوال و قوعنده؛

۱۶ — وجودده قیر یقلق حاصل اولوبده مداواة ابتداییه و خفیفه ایله کچمز ایسه؛

۱۷ — چو جو قمر بردن بره شدتلی اوکسور و که طو تولور لر ایسه؛

۱۸ — بوغاز آغریسی، یو قو نمقده واکل و شربده مشکلات کورولدیکی زمان؛

۱۹ — معند و شدتلی نزله حصولنده؛

۲۰ — اوزون مدت و بلا سبب ظاهری اویقو اوویه مامه، یاخود سورکلی ضعف حصولنده؛

۲۱ — شدتلی بر سانجی به دوچار اولندیکی زمان؛

۲۲ — قاصیق چلاتلامه سنده — که فتق در —؛

۲۳ — قیز چو جو قمره رنکسز لک، ضعف و درمانسزاق عارض اولورسه؛

۲۴ — ارکک چو جو قمرده کذلک ضعف و رنکسز لک کورولورسه؛

۲۵ — اعضای وجوددن هانکیسنده اولورسه اولسون دواملی بر وجع حس اولندیکی زمان؛

۲۶ — تبعم و قوعنده؛

۲۷ — بادی امرده اهمیتسز کورون عادی بر چیان کندی کندینه طاغماز و معالجات معتاده ایله ده کچمز ایسه؛

۲۸ — فاصله لی نوبت کلیرسه؛

۲۹ — جلده احرار پیدا اولورسه [کرک ماده مصلیه سی کورونسون، کرک مقشر یاخود متفلس بولنسون]؛

۳۰ — اعضای وجوددن بریسی زیاده جه یا تمش بولورسه؛

۳۱ — سملی حیواناتدن بری ایصیر و یا صوقارسه .

بالاده تعداد اولنان امراض واحوالک اکثری بالخاصه چو جو قمر جه بیوکاردن زیاده حائر اهمیت بولندیکی و جو جو قمرده سرعت و شدتی بالطبع زیاده اوله جنی جهته بوکی احوالده بر طبیب معاونته مراجعتده التزام مسارعت اولتیق لازمدر . چونکه بعض احوال واردر که بدایتنده اهمیت ویرلمدیکی تقدیرده معالجه زمانی مرور ایدرک بالآخره طبیب جلبندن فائده کورولمز . بناء علیه بوبابده تجویز مسامحه اصلا جائز دکلدر .

طبیب جلب ایدیله جک زمان: — بعضلر واردر که طبیب جلبی یالکز خسته لغک آغریغنه منحصردر ظن ایدرلر؛ حال بوکه بو یولده بر خطائک تعمیر یی پک کوجدر . بعضلرده واردر که غایت خفیف بر قیر غناق دخی اولسه در عقب طبیبه شتاب ایدرک طبیعتک، زمانک الجاسنه ترک مصلحت ایتمک ایسته مزلر . هر حالده بونلرک ایکسی اورتیسی اولتیق اوزره کیفسز لکک درجه سنی لایقیله تقدیر ایدرک اکا کوره طبیب جلبنه تشبث ایتمک اولادر .

علی العموم شهرلردن خارج محللرده وبالخاصه کویلرده نه قونومی به رعایت مجبوریتندن و یاخود خسته لغک درجه سنی عدم تقدیردن و بعضآده امنیتسز لکدن ناشی طبیب جلبی پک زیاده تأخر ایدر . بوکی خصوصاتده وقوفی اولانلر مرضایه حسن خدمت و کویلیلردن اقتدار ی اولیانلره طبیب جلب ایدیورمک یولنده ابراز معاونت ایدرلر ایسه اونوتلیه جق بر اییلک ایلمش اولورلر .

خسته لر حقنده اوله جق تقیدات: — مشفق و خیر خواه بر قادین طبیب طرفندن اجرایی توصیه اولنسان تقیداتی حسن ایفا

ایتمک صورتیله افراد عالمه سی حقنده ابراز فوائد لایحی ایلر . فی الحقیقه آغریجه بر خسته یه خدمت ایتمک پک ده خوشه کیتز سده افراد عالمه وهله فقرا ایچون بو یولده ابراز اوله جق معاونت و شفقت باعث منتداری و ممدوحیت اوله جنی جهته الدن کانی دریغ ایتمه مک مقتضای مرحمت و حیثدر .

(مابعدی وار)



یکی کتابلر

نودسته یاخود منشآت جدیده

مؤلفی

شورای دولت خلفاسندن ولسان و ادبیات عثمانیه معلمی

نکی

ادبیات حاضر یه موافق و باب عالی لسان رسمیسته مطابق انواع محررات رسمییه و غیر رسمییه نمونه لری خط نفیس (رقعه) ایله یازلمشدر . شمعی یه قدر نشر ایدیلا ان مثالنه قات قات مرجح اولندیکی انجق رؤیت و مطابله له سیله ثابت اولور . فیتاتی ده بالنسبه پک اهورندر .

مرکز توزیعی باب عالی جاده سنده ۷۸ نومرولو مغازه در .

هر کتبخانه ده بولنور . طشره دن ارسال اوله جق مکتوبلره مؤلف مومی الیهک نامه ارسال اولغا لیدر .



شرکت مرتبه مطبعه سی مدیری : آرین